



Inatsisartunut ilaasortaq Anna Wangenheim
Demokraatit

IT-mik ataqatigiissumik aaqjissuussinerit pillugit § 37 naapertorlugu nr. 95/2022-mut akissut

24-05-2022
Suliap normua 2022 - 10427
All. nr. 20139653

Asasara Anna Wangenheim

Postboks 1160
Oqarasuaat:: 34 50 00
Fax: 34 55 05
3900 Nuuk
Email: pn@nanog.gl
www.naalakkersuisut.gl

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Naalakkersuisut apeqqutinut tullinnguuttumi issuarneqartunut akissuteqartinneqartunullu qujapput.

1. Naalakkersuisut ilisimavaat, peqqinnissaqarfiup IT-systemia tungaviusoq atassusiisartuulu, russiusut, Ruslandimi najugaqartut?

Akissut:

Naalakkersuisut ilisimatitsissutigisinnaavaat, IT-mik kiffartuussinermik tunniussineq pillugu Fujitsu Danmarkimik Peqqinnissaqarfik isumaqatigiissuteqarpoq. Ingerlatseqatigiiffik Fujitsu Danmarkimik ingerlatsisoq japanimiut suliffeqarfissuinit arlalinnit annerusumik pigineqarpoq Japanimilu qullersaqarfeqarpoq. Kalaallit Nunaanni, Danmarkimi aamma Kazanimi russit kunngiitsuuffianni Tarstanimi IT-mik qitiusumik sullissiviit nioqqusianik tunniussuisut Fujitsu Danmarkimik Peqqinnissaqarfiup isumaqatigiissutaani ilaapput.

Qitiusumik nioqqusianik tunniussuisut matuniarlugit aamma qitiusumik sullissiviup nioqqutissanik tunniussuineri suliniarnerilu nunani qitiusumik sullissivinnut allanut Fujitsup taakkuninnga ingerlatsiffigisaanut soorlu Polenimut, Portugalimut, Indiamut piffissami aggersumi qaammatit 3-6-t iluanni nuunniarlugit suliffeqarfissuaq Fujitsu aalajangersimasoq Peqqinnissaqarfimmi ulloq 5. april 2022-mi ilisimatitsissutigineqarpoq. Tassunga atatillugu ilisimatitsissutigineqarsinnaavoq Peqqinnissaqarfiup IT-mik sullissinera Indiamut nuunneqarmat.

Fujitsu GDC-mit (Global Delivery Center) **Kazan** sullissinerit, maannakkut Indiami Fujitsu GDC-mut nuunneqartumi, manna tikillugu tunniussuinerit ataani allanneqartut ilaapput. Assersuutigineqartut tamakkiisuunngillat, suliassalli pingaarnertut imarisaanik annertussusiinillu paasinninnissamat annertunerulersitsiniarneruvoq.

- **IT-Operation:** tassa imaappoq attaveqaasersuutip qarasaasiakkullu attaveqaatinut aqutsisup nakkutiginera, qarasaasiakkut attaveqaatinut aqutsisup saassunneqarnissaanut illersuisumik nutarterineq, qarasaasiakkut attaveqaatinut aqutsisup virusinut il.il. illersuutaanik nutarterineq, qarasaasiakkut attaveqaatinut aqutsisup unitsinneqarneranut qisuariarnerit / atorunnaarsitsineq, qarasaasiakkut attaveqaatinut aqutsisut nutaat pilersinneri sullinnerilu, attaveqaatit immikkoortut il.il. ataatsimoorullugit aaqjissuuteqarneq.
- **IT Consultancy Services** tassa imaappoq suliassanut suliniutissatullu pilersaarutinut aalajangersimasut naammassinerinut teknikkikkut ikiuunneq, assersuutigalugu sinerissami sumiiffinni qarasaasiakkut attaveqaatinut aqutsisut tapersorsornerisa pilersaarusiorderi taarsernerilu, Office365-p

piviusunngortinneri, tapersersuinermi-aaqqiissuteqarnerit nutarterneri, qarasaasiami programmit najoqquttallu ataqatigiissumik aaqqiissuussat aallartinnerisa nutarterneri, DIH-mi qarasaasiakkut attaveqaatinut aqutsisunut inini saniatigut pilersitsineq, UPS-mik il. il. nakkutiginnineq.

Tamatuma saniatigut **Fujitsu Grønland**-mit kalaallisut/qallunaatullu oqaasilinnut sulisunut tapersiinerit inuttallit IT Helpdeskimik tunniussaqaarluni sullissisarpoq. Atuisut aqunneqarnerat (pilersitsineq/atorunnaarsitsineq) Isersinnaanerit piginnaatitaanerillu aqunneqarnerat, qarasaasiami programmit najoqquttallu atornerqarneri, qarasaasiakkut pappiarannngortitsinerit (printer) il. il. tapersersuinerimik ingerlatsisup aqutarai.

a. Taamaassimappat; suut suliniutit aallartinneqarsimappat peqqinnissaqarfiup internetsikkut isumannaallisarnissaanut?

Akissut:

Suliamut tassunga atatillugu suliniutigineqartoq tassaavoq Fujitsu GDC Kazansip tunniussuinerinik Fujitsu GDC Indiamut nuussineq.

b. 0-miik 10-mut, 0 appasinnerpaalluni 10-lu qaffasinnerpaalluni, qarasaasianik tiguaaniarnernut atortorissaarutillu kipisoornissaanut qulakkeerneqarnissaanut navianartorsiorneq sumut killeqarpa?

Akissut:

Qanoq ittuunerata aarlerinartoqarneranut kisitsisitigut naliliinissaq periarfissaqanngilaq. Qarasaasiatigut saassussineq aamma – Naalagaaffeqatigiinnermi kilitsissiatut sulineq annertuumik aarlerinartoqartoq PET-p aamma Internettikkut Isumannaallisaavip nalilerpaat. Siorasaarut taanna tunniussuisunut ataqatigiissumillu aaqqiissuussanut attuumassuteqanngilaq.

Kalaallit Nunaanni, Danmarkimi nunarsuullu sinnerani qarasaasiatigut saassussineq aamma –kilitsissiatut sulinerup tamanut atuuttumik sioreanarneranut, paasissutissanik attaveqaqatigiinnermut piumasaqaataasut, attaveqaasersuutip, qarasaasiakkut attaveqaatinut aqutsisut, qarasaasiat allallu teknikikkut atortut isumannaatsuunerisa illersorneqarneratalu qaffasissusiata oqimaaqatigiisinnissaata atatinnerisigut IT-kkut isumannaatsuuneq Naalackersuisut aamma Peqqinnissaqarfiup annertuumik pingaartippaat. Tamanna suliarineqassaaq ilaatigut ingerlaavaartumi isumannaallisaanerit nutarterinerisigut, innarliassutip misissorneratigut, paasissutissat ingerlaarfiat alaatsinaannerasigut nakkutiginerasigullu, qarasaasiami programmit najoqquttallu nutarternerisigut, atortut ikkussukkat pisoqqat il. il. nutarternerisigut.

2. Suut ulorianartorsioritissinnaasut Naalackersuisut, suusinnaanerinik isumaqarpat, russit Peqqinnissaqarfiup IT-mik atuinerannut atassuteqartitsinerannut?

Akissut:

Apeqquut 1-mut akissut takuuk.

3. Peqqinnissaqarfimmuut suut kingunerusinnaappat, Fujitsu aamma russit naalackersuisui, Kalaallit Nunaanni Peqqinnissaqarfiup internetsikkut atortorissaarutaannut killilersuilissagaluarpata?

Akissut:

Soorlu apeqputip 1-p akineqarnerani allaaserineqartoq suliffeqarfissuaq qanoq iliornissamut piareersaateqareersimavoq, Kazanimiillu IT-mik sullissinerit tamaasa nuulerlugit. Peqqinnissaqarfiup qarasaasiakkut attaveqaatinut aqutsisui paasissutissaataalu Kalaallit Nunaanni inissisimapput, aamma russit qarasaasiami programmii najoqquttaallu teknikkikkullu atortui ineriartortissimasaat atorineqanngillat. Kalaallit Nunaata Kazanillu akornanni paasissutissanut attaveqaqatigiinnermut attaviinik toqqaannartoqanngilaq, aamma Fujitsu Danmark aamma Fujitsu GDC Kazan akornanni suliffeqarfiup iluani attaveqaqatigiinneq Fujitsup suliffeqarfiata iluani attaveqaasersuutikkut isumannaallisakkakut ingerlanneqartarpoq. Taamaattumik russit tungaanit Kalaallit suliffeqarfiinik atorfeqarfiinillu iliuuserisimasamut kinguneqartitsisinnaaneq Peqqinnissaqarfimmit IT-mik ingerlatsinerit sunniuteqarnaviannilaq, taassuma saniatigut sullissinissamik maannamut atsiarluni isumaqatigiissuteqarnikkut isumaqatigiissutit Fujitsup atsiarluni isumaqatigiissuteqarnikkut pisussaaffii naapertorlugit nunamit allamit tunniussuinerit sullissivimmit suliarineqassapput.

4. Tunngavilersuutit suuppat, russit Kalaallit Nunaanni suliaqarnissaasa qinerneqarnerannut nunat allat internetsikkut atortorissaarutaannut sanilliullugit, soorlu assersuutigalugu EU-p killeqarfiata iluani?

Akissut:

Soorlu apeqputip 1-p akineqarnerani allaaserineqartoq Fujitsu Danmark A/S-mik Ballerupimi qullersaqarfartumik Peqqinnissaqarfik isumaqatigiissuteqarpoq. Apeqqummi piumasarineqartoq *"russit Kalaallit Nunaanni suliaqarnissaasa qinerneqarnerannut nunat allat internetsikkut atortorissaarutaannut sanilliullugit, soorlu assersuutigalugu EU-p killeqarfiata iluani"* piumaneruneqarsimasut taamaattumik eqqunngitsuvoq, kazanimit tunniussinerit Fujitsu Danmark A/S isumaqatigiissumi amerlassutinut ilammata.

5. Naalakkersuisut oqaluttuarisinnaavaat, elektroniskimik napparsimasut journaliisa, COSMIC, sumik allamik taarserneqarnissaanut?

Akissut:

Naalakkersuisut ilisimatitsissutigisinnaavaat, ingerlatseqatigiiffik Cambiomik COSMIC elektroniskimik napparsimasut nalunaarsorneqartarneranik ingerlatsisuumik Peqqinnissaqarfiup isumaqatigiissuteqarnera taamaatinneqarsimammat, taamaattumillu Peqqinnissaqarfik ataqaqatigiissumik aqqissuussamik nutamik pisiniarluni aallartimmat. Ataqaqatigiissumik aqqissuussinerit nutaamut immikkoortitaakkanut piumasaqaatinik suliarinninnermut kissaatigissallu erseqqissaaffiginissanut suliap ingerlanera kinguneqarpoq. Suliap ingerlanera taanna suli aallartisarnermiippoq, taamaattumillu ilisimaneqanngilaq suup aalajangersimasup COSMIC taarsissaneraa.

a. Naalakkersuisut paasissutissiissutigisinnaanerpaat, qaqugu naatsorsuutigineqarsinnaanersoq, elektroniskimik napparsimasut journaliissaat nutaaq atortuulersinneqassanersoq?

Akissut:

Apeqputigineqartumut 4-mut akissutigineqartut takukkit.

6. Naalackersuisut suliassamut soqutiginaatilinnik allanik nalunaaruteqarsinnaappat?

Akissut:

Naalackersuisut amerlanerusunik ilanngussassaqaqanngillat.

Med venlig hilsen
Inussiarnersumik Inuulluaqqusillunga



Mimi Karlsen